




永平府志



灤州學正宦蹟



明

弘治

吳 祺字貴德豐城人由弘治辛丑乙榜六年來掌
州教績學種文訓士不倦戊午聘南畿分考壬戌
登進士歷官都御史

夏廷芝字鍾秀章丘人由癸未經魁十六年任善詩
文以親老就教正德丁卯典福建文衡官至僉憲
竟以父歿不起人稱篤孝

萬曆

熊胤震由舉人四十四年任中天啓壬戌進士有詩
文傳世

崇禎

施堯中昆明人由解元元年任高才博學遭難奪官
士論惋惜

許中澤字雍門順天人由舉人九年任冲融簡靜式
士以和遷秦令去多士懷之

國朝

順治

董恪高陽人元年

王師過灤授任尋陞府教授去

康熙

王麟圖順天保定人四年任捐俸脩理文廟及兩廡
啓聖祠鬼星樓資用不足至出家人簪珥助之至
今鳩工未輟

訓導

明

天順

方經字世才黃陂人由舉人三年任公資識英敏勤學善誨一時士習爲之丕振至六年乞歸士子慕焉

國朝

順治

張國猷密雲人十六年任爲人爽亮善吟能書諸家草楷行隸廟學傾圮捐俸募脩殫竭心力始建聖殿及明倫堂堅麗改觀未幾以裁缺改補清河遺

兩廡啓聖祠未塹深以爲恨賴繼任學正王公麟圖至續成之捐俸不給至出私珥助與百方勞來厥舉仍寓書報張不欲居其成也士兩賢之

盧龍縣知縣古宦蹟

唐

德宗

張仲武爲盧龍節度使鎮邊有功李德裕幽州聖德
碑具載其事

遼

盧龍巡捕官

室 昉會同初登進士第爲盧龍巡捕官累遷翰林
學士兼政事舍人數延問古今治亂奏對稱旨改

南京留守決訟平允人皆便之遷工部尋改樞密院副使參知政事頃兼北府宰相加同政事門下平章事監脩國史進尚書無逸篇以諫太后聞而嘉獎立朝輔政整折弊蠹知無不言息民薄賦以故法度脩明朝無異議晉鄭國公進所撰實錄二十卷手詔褒之上以公年老苦寒賜貂皮衾褥許乘輦入朝病劇遣使就第存問及卒贈尚書令

知縣

成化

劉 魁山東高唐州人二年任立行超卓廉以持已能以御事公以存心正以率下政滿擢御史

喬 聰河內人由舉人十八年任寬猛適宜陞衢州府通判

李景華揚州府江都縣人由舉人二十一年任治尚節愛御事精敏性不肯奔兢時稱爲三代遺直去

萬曆

王 衮山東陽穀縣人由舉人二十年任性坦易臨事敏決嘗并櫃以省收頭俵馬市之都門免貼銀

賠累之苦倭警當事欲藉民為兵遠近駭竄公力
陳當道更為召募應者立集六屬安堵陞耀州知
州至

國朝康熙庚戌

督學蔣公超行本府遣本縣代祭其祠

葉世英字春谷廣寧衛籍寧波府人由進士二十四
年任公明敏倜儻有應變才萬曆二十六年奉調
征倭廣兵五千謀變於山海公單騎陳以大義悉
撫定之內三衛編徭例屬附郭縣官審足之請

詆欺衛弁率意報徭驟減驟增駭愚啓倖為時大
害公先期諭衆革除前弊令各戶自平一時承應
如流六屬咸取法焉尤屬意學官脩闕雲達及增
建魁星閣於埤上樹平臨北斗坊以應斯文興起
之兆自是科第蟬聯稱仕國遷兵部主事

王象恒山東新城縣人由進士

萬曆中授靈龍知縣

潔多惠愛人萬曆甲辰值灤漆漲溢郭內行舟歲

饑流民載道公開廠煮粥張濟全活甚衆學官傾場謀

虞脩補至蒞政館民咸以蕪平稱

趙 綬號懷東山西樂平人甲辰進士三十年任公
實心爲政勤儉自厲徵收弗遣役滋擾與民約四
仲受輸無後期者羨餘僅足供支解聽訟有當罰
者聽輸穀備賑此外惟論曲直無贖鍰也歲饑賑
糜活人無筭編審貪富家應役以甦貧民四境咸
服擢御史至

國朝康熙庚戌

督學蔣公超行本府遣本縣代祭其祠

孫止孝山東歷城縣人由進士四十五年任公英毅

有遠畧時值多事立射會練習鄉勇以備緩急體
恤里甲清白自矢尤作興斯文歲時督課設立賞
格以示鼓舞云

崇禎

張葦麟山東膠州人由進士七年任革除貧民倉派

收納之累立櫃書收受至今便之俸滿行取

馬孔健河南陳留縣人由進士十年任公當兵燹餘

勸農興學圍圉安民此外畿東告警督師孫公傳

庠休兵未平欲入魏城吳用核其公設館城外請

省師禁兵無入城民賴以安被難男婦千餘人給
資歸之病者養之時上官檄取軍司檄縣運糧十萬石至
遠民大困公條議令衛卒營兵協力津遞民極少刻期竣
後里中子投充戚里爲蒼頭廬兒橫噬小民公寘
諸法不貸有巨室木家兄弟訟家產公閉閣引咎數日
不視事兩家慚謝和好如初後爭以重賂酬德抗
顏卻之其持正惠民如此稱御史至

國朝康熙庚戌

督學蔣公超行本府遣本縣代祭其祠

劉濬源山東曹州人由進士十四年任廉靜爽決恬
淡自甘行裝止挾一布被於行輿中服不衣帛日
用惟供蔬菜一束時出巡行預備餅數枚自給於
當道毫無餽遺聽訟執法雖勢力者不能干以私
永人以趙清獻頌之因介直不阿調順德府邢臺
縣知縣

國朝

順治

梁應元字仁吾遼東遼陽人由生員三年任存心寬

怨弗事苛覈士民愛而畏之學官自崇禎戊寅遭
風變悉就傾圮公捐俸募脩自正殿兩廡戟門以
及名宦鄉賢兩祠皆創造一新陞江南池州府知
府尋陞天津道

趙汲字學夫號潤宇錦州中屯衛人由丁亥貢士
五年任公沉静練達推誠待物有古君子風甫下
車諸生有以前令學工未竣白之者公乃慨然自
任重脩明倫堂櫺星坊及門廊齋舍刻期告竣時
部檄召買芻豆赴三屯備行幸羽書旁午民間供

應不及公乃給值舖商以所收米豆催運公事立
濟商民稱快俸滿陞江南泰州知州積有惠政年
踰七十請告歸士民攀轅不忍捨去泰人至今交
口稱頌不止云

康熙

李士模字可庵山東高密縣人由進士順治十四年
四月內任才識優長遇事立剖盧邑舊無專志公
留心纂輯六卷設處刊刻約束胥吏不儼辭色康
熙四年擢大理寺評事

閔峻字山紆浙江湖州府烏程縣人由甲午拔貢
康熙四年六月內任盧邑土瘠民疲地衝事劇公
秉性廉潔悉心撫字勸諭輸將禁止雜耗力行保
甲盜息民安編審持公不畏強禦民頌持平考試
嚴禁冒籍力拔寒微士服衡鑑懸賞緝逃民免株
連聽訟明決獄無冤滯本縣學宮年久圯壞公捐
俸及勸募身親料理重修一新治盧五載咸以忠
恕稱考績稱最陞兵部職方司拾壹年
平
差太平橋鈔關督稅

魏師段字松巖湖廣人九年八月內補知盧龍縣事
治政簡當歷事敏捷聽訟虛公曲體民隱清丁除
耗不畏權勢禮士愛民遇劇有爲至扞丁徭積弊
以爲民累公履任初適值編審公爲悉心研核盡
除逃亡老幼均平則例以釋民累而正名字以杜
重冒審畢張示咸使通知一應諸務親裁吏胥奉
簿惟謹錢糧立限徵收百姓遵期自納如何來押
社陋規俱爲革除催科不擾撫字多方康熙九年
冬

聖駕東狩駐蹕於灤水之西召見詢以愛民之實奏對稱
旨又兩驛蹕於灤水之西脩理橋梁坊表龍舫監製有方
皇上登舟觀魚見橋梁堅固預備如儀嘉悅賞銀貳拾兩
陵工急需石碑重器車夫苛索人莫敢撓公開山修路區
畫周詳經過之時處之裕如既未勞民傷財又克
公事有濟其四應之才人皆欽服鄰邑有自殪其
僕而反以誣人鞠之者願其豪勢不能執法招案
已定公嚴訊得情竟反坐自殪其僕者人以神明
云其聽訟虛公人莫敢干以私雖強禦跳梁之

一經訊理交相愜服向有豪右旗丁肆行無忌聞
公執法不阿皆袖手自艾與民相安同城文武閒
有小嫌致忿及關地方重大事務不惜罄囊務期
事濟互相輯睦乃止新令設隄防嚴保甲稽覈戶
口扼巷防秋法有不得不過於嚴失於猛者公體
恤調和之既不碍上之慈愛又不貽下之怨嗟全
上安下稍無矜能色爲附廓令上而二千石罷丞
下而佐貳督郵之屬公不剛不茹皆稱咸宜邑治
年久頽圯因無額設銀兩修理不蔽風雨公至捐

俸辨買物料修整如新向有填設陋規公念切民
艱盡發還之其留用陶器鐵釜及案衣筆硯之類
俱估給時值現價其廉介如此至日用蔬粟布帛
之類禁革行戶見給時值境內無告貧民念切瞻
依公於朔望日期逐名給米以濟其饑屬吏戴典
史積勞病歿貧不能殮公哀矜之捐俸代爲之殮
向有稱貸於公者悉還其券仍贈路費復勸紳士
鄉耆醵金以備行李周全以歸前此所未聞也大
抵公磊落慷慨重然諾擔荷承當救危濟急皆出
事爽決與民相安

戴萬象江西南昌人由吏員三年任恪守職司奉公
惟謹留心捕務詳慎不忽饒有擔荷不畏強禦歷
事爽決與民相安

教諭

明

崇禎

趙允植遼陽人二年任公品行端方勤於訓士其誘
誨啓迪必以忠孝行誼爲先值庚午兵燹與妻欽
氏暨女同死祀名宦

國朝

康熙

孫 琮河間縣人由歲貢八年五月內任

人右其制度威儀及大經大法皆公所夙學至臨
政批荅應對若取諸預咸稱脗合人皆羨服時以
官清民安頌之康熙九年庚戌有秋拾年辛亥稱
大有年拾壹年壬子夏旱有秋雖闔郡有年皆穰
大夫諸邑宰公致之但自公蒞任屢遇豐年不無
差異焉康熙拾叁年陞廣東肇慶府同知去之日
士民立祠肖像以報其功德云

遷安縣知縣古宦蹟

元

郭仁義武州人惠愛及民秩滿當代縣人保留不得
立石頌之祀名宦

知縣

明

洪武

蕭頤二年任草昧之初諸事未舉公首建學校廟
貌儼然諸生遊息得所絃誦洋洋人稱其知先務

也祀名宦

弘治

張濟陽曲人由舉人九年任時縣殘於兵燹公宇圯
穢民爲賦重流離公子惠困窮平定安集諸廢併
舉猶加意學校九年擢保定府通判

鄧萬斛富順人由進士十八年任清慎慈愛酌處糧
差以均貧富時鎮守中貴熯灼人莫敢櫻公獨力
拒之一切征求每爲阻抑陞南京大理寺評事

正德

羅 玉南充人由進士七年任馭吏嚴而待民怨
早徒跣禱烈日中乃雨民饑請發通州倉粟全活
者衆以才調武進民攀號之尋選御史祀名宦至
國朝康熙庚戌

督學蔣公超行本府遣本縣代祭其祠

嘉靖

徐 州雲南楊林所人二十年任廉介自守惠愛元
元興學課士有古循吏風

常文英涇陽人由舉人二十六年任發奸摘伏愛民

作士亶亶不倦陞本府通判卒於官祀名宦

萬歷

馮 露襄城人由進士四年任申請減免永平等衛徭銀民沐其德咸以循良稱見備述志

白 夏潁州人由舉人九年任謁廟即問縣志無之聞邑致仕訓導王之衡有草遂屬焉遷安縣志始此陞山西汾州府知府

雷 聲山東禹城人由舉人二十四年任蒞任不受里逾導行例金革步快懲市豪清筭經費以足歲

支酌議公解俵馬以省各社逾馬銀并東寨中飲之費遷有渡灤橋每歲秋賦民草束木架甚夥公令民遇夏折收所省不貲公初下車即能摘發部民蘭文選殺弟事一切文移俱出親裁奸胥斂跡編審徭役不避權勢卒於官士民哀思請入名宦張廷拱同安人由進士二十六年任優禮學校均平徭後奸胥積猾禁革一空行取回部士民環繞遮留泣送載道如赤子之離父母豎碑建祠至今思慕不置歷官至僉都御史

國朝

順治

徐逢時字盛寰廣寧衛人由生員二年任值開國初諸務叢錯公處之裕如不多事以滋擾禮士愛民持重明決三年六月內陞順德府知府

戴廷對

四川潼川州中江縣人由舉人十五

年任才力優長治政敏練凡

駕東幸駐驛遷屬一切供應預備有方既不悞公亦不擾民百姓德之十八年十月內陞湖廣沅州知州

遷安縣主簿

明

洪武

金國彥崇德縣人元年任二年己酉故元遣將姜文靖內侵攻圍永平公饋糧不乏及兵迫縣拒守益力事平權知本縣轉工部主事至奉稱之入府名

宦祠

儒學教諭訓導

明

成化

胡憲泰和人督訓甚嚴嘗夜過號舍察諸生誦讀者輒勞以菓蔬否則有罰故篝燈達旦不輟以學在東郭門外奏展東城包學於城內士民頌之

嘉靖

李臣獲嘉人師弟間諄諄訓迪恩義兼進卒於任士哀慕焉入祀名宦

姚廷鳳句容人儀度循雅才高學博有詩古文傳世杜偉濮州人垣彞豁達勤訓迪善吟咏意在塵表無嘆老嗟貧之態人是以賢之

國朝

康熙

馬負圖河間府故城縣人康熙九年任行儀端方學問淵邃善詩文尤勤課士十年正月內卒於任士多哀惜之

訓導

國朝

康熙

馮堯年真定府臨城縣人十年七月內任負性淳古
歷事廉介遇士明恕不較束脩督脩學工捐俸三
十兩以助之此首蓂中之最難者

撫寧縣宦蹟

督學蔣

批云撫寧知縣無唐宋元何也禹歷考撫寧

碑記云永平又東八十里有縣名曰撫寧在漠隸
右北平郡漢以後率多荒廢至金大定末陸新安
鎮爲撫寧縣元時無撫寧昌黎二縣以其或併或
折至明洪武七年知縣婁公大方以避寇請遷城
於兔耳山之陽民衛併爲一城而撫寧之城之宰
至此方定故大方以前無所徵考宦蹟載自大方
始也

知縣

明

洪武

婁大方奉化人由儒士七年任率吏民避兵於洋河之西兔耳山得免於患事後經營布置創造城垣如法士民懷德入祀名宦至

國朝康熙庚戌

督學蔣公超行本府遣本縣代祭其祠

成化

姜鎬河南脩武人由舉人十九年任賑廓縣治脩建學校勤政愛民縣儀門外有去思碑入祀名宦

至

國朝康熙庚戌

督學蔣公超行本府遣本縣代祭其祠

弘治

趙之彥陝西涇陽人廉明仁恕待士有禮治邑三年百廢俱舉行取監察御史

嘉靖

葉宗蔭浙江遂昌人廣西儀衛籍由舉人資性明敏
興利除害一境蕭然致仕去士民攀送至永平涕
泣如失怙恃

段廷晏江南太平府人由監生四十三年任存心愷
悌行所無事民受其福止以賦性朴直少文爲人
所恚赴部日行李一肩士民流涕載道雖婦女孩
提無不爲之垂涕者

姜密山東夏津人由舉人四十五年任廉明善斷
凡事務從節省擢戶部主事

隆慶

李一本 邠縣人由進士二年任賦役公平詞
訟明達擢戶部主事

張彛訓 山東寧陽縣人五年任恩優學校澤
洽黎民有去思碑在西門

萬曆

雷應時 山西芮城人由舉人十一年任耿介
端方不事常賄有實惠及民保留加通判治政七
載邊邑晏然有古循吏風

王 臺字古栢臨清州人由舉人敷政寧人籌邊足
國士民愛戴如真父母有生祠碑記

崇禎

余 爵字天有河南禹州人由進士十一年任長才
卧理百姓安堵釐奸剔弊吏胥畏服歷兵部職方
司監軍征寇殉難贈太僕寺少卿謚忠莊

李果珍字荆函陝西雒南人由舉人十三年任端方
古質治本經術招詳皆出親筆尤作養學校勸課
不倦以清廉聞歷官戶部山西司郎中

孫廷銓 山東益都人由庚辰進士沉靜寡言
吏胥不能窺其涯際待民恩禮兼至甲申陞
推官薊標管餉至

皇清歷官吏部尚書內院大學士

國朝

順治

侯一匡山西人當

鼎革之初刑清政簡深得民心未幾卒於官時論惜之
張毓中字去偏號泊水山西陽城人由己卯舉人二

年任撫邑當明末差繁徭重及包賠灘塌地畝錢糧爲民大累公甫下車徹底清察悉除逃亡丁口及水衝河剥田地盡數詳申題請公念切民瘼極力幹旋得如數開除至今民荷土著家有蓋藏徭不賠累萬姓尸祝尤留心興學教士養老恤孤獎善懲惡公議崇祀名宦以報公於不朽也歷刑部主事終鳳翔府知府

康熙

王文衡字季平江寧府江寧縣人由貢生五年十月

內任公賦性明敏立行超卓治政精勤聽訟爽決邑治繁衝公靜以處之諸事稱當至於學宮或境內坊表及有關祀典祠廟悉留心修葺之增建譙樓魁樓與四門樓櫓俱煥然一新勸輸多方不勞功倍可稱才能良吏蒙

督學蔣批才猷練達籌畫精詳現在築城修學繕治郵傳橋梁不動公帑出自捐募費省工鉅人以爲神明云拾年三月內陞陝西鞏昌府同知士民感戴建立書院於西關以祀公公力辭之令更爲碧

霞宮去之日士民遮留如失怙恃祖道而餓者自
縣至府百有餘里絡繹不絕其得士民之心如此
議入名宦祠從祀以報其功德云

譚琳字惺園湖廣武昌府崇陽縣人由丁酉科舉
人拾年柒月內任諳習民情深革吏弊猶以興學
勸農爲首務士民欽戴

撫寧縣典史

國朝

康熙

王希彥浙江寧波府鄞縣人由吏員元年八月內任
遇事精詳供職勤慎萑苻肅靖詞訟不濫蠲革陋
規民頌慈廉

撫寧縣教諭

明

嘉靖

吳 宜濱州人天性孝友處衆寬和訓士以道義相
期束脩不計前爲遷安訓導至今兩庠慕之

隆慶

曹應誥鄆城人性嚴行脩動必以禮工詩文勤訓課
士論稱之

國朝

康熙

劉三德順義縣人由歲貢四年十月內任鐸範端方
士子一見矜式至留心學校躬督大工無間寒暑
尤稱雅才新意

辛進修新安人由拔監十七年二月內任期負英發
端凝範士脩理彙堂毅然自任蒙
督學吳獎品學端雅辦事克勤

昌黎縣宦蹟

後魏

張 卓上谷淮陽人初為昌黎太守父翼為遼東太
守子袞為幽州刺史三世二千石俱有善政人稱
美之

神童

張 偉字仲素太原人大武神童四年與咸陽公高
允等三十四人並徵公為衛大將軍選營州刺史
有善政卒贈建安公

陸士懋字元偉代郡人天平中以其祖陸麗有翼載之勲詔懋襲祖爵鉅鹿公仕營州刺史

唐

貞觀

張儉於貞觀時為營州都督太宗征遼東拜行軍總管領諸蕃騎為六軍先鋒

元

至正

周宏字希道遷安人任真定無極尹調遼陽寧昌

至正間復調昌黎撫字有方民懷慈父時平章程思中作亂公率民赴永平拒守城陷被執不屈七日不食罵不絕口而死民思其德為之勒石

泰定

元

左濶良鄉人泰定五年任昌黎尊崇學校輕徭薄

賦慎用民力老稚咸感思之有勒石紀德

明

永樂

楊禧大興縣人十年任勸課農桑作興學校蒞任

數年逃亡招集屯卒畏威欽戢民思不忘祀名宦
張約江南山陽縣人十二年任勤於政治六事脩
舉

田蕃山東樂陵人十六年任廉能公正政蹟著聞
正統

于顯祖山東蓬萊縣人平易近民不尚鞭朴百姓懷
之

弘治

張雲鳳山東濟寧人舉人恩威兼著民懷不忘

殷玘山東壽張縣人八年任清慎有爲庶務畢舉
以內艱去

陳剛浙江金華人進士十七年任公廉有爲吏民
畏服陞大理寺評事

嘉靖

文世英廣西護衛舉人二十二年任八年惠政民皆
感戴陞保安知州祀名宦

李希洛山西太原人進士三十三年任文章政事濯
濯炳著陞給事祀名宦

胡溪山東清平縣人監生三十六年任約已便民
志向不汙民咸思之

楚孔生山東曹州人舉人四十一年任清操雅量惠
政多端蒞任五年士民感戴以縣無志屬教諭楊
公志高草之灤州學正梁公桂臣脩飾焉

陳良輔山東莒州人舉人四十五年任巨寇薄城公
與民死守城池獲全後被誣謫官昌民立祠祀之

隆慶

張存智山東歷城縣人舉人二年任時當殘破脩築

安集盡瘁國事士民至今思之官至戶部郎中

孟秋山東茌平人進士五年任精於理學治才饒

洽均徭後集流離造士會講一時被其陶鑄者甚

衆累官至寺少卿卒不能殮士民肖像立祠

祀之入名宦

國朝康熙庚戌

督學蔣公超行本府遣本縣代祭其祠

萬曆

吳應選陝西會寧縣舉人五年任服官清慎真誠待

物士民愛之陸戶部主事有專祠

石之峰山東丘縣貢士十六年任脩城葺學士民允

賴

馮 恩山西代州人舉人二十年任廉以持躬勤以

任事營建鼓樓脩築月城通北門置北關增棧房

濬崇泉士民思之祀名宦

（明）

吳望岱會寧人前本應選子舉人三十五年任吏治

精明斷獄敏辨人不敢欺父子同任昌黎人以此

傳僧祐畢元寶云累官南戶部郎中

楊于陞四川劍州人由舉人四十四年任撫民訓士

補缺興廢文學吏治兩擅其美重脩邑誌筆削簡

盡詳畧合法彷彿龍門扶風遺意陞廣西鬱林知

州遷雲南武定同知

崇禎

秦士英夏縣人由貢士仁恕廉明愛士極意撫循以

病去士民思之

左應選榆次人由舉人二年任甫任三日即城守戒

嚴庚午正月

皇清兵下永平灤遷俱陷大兵攻圍昌黎八晝夜公誓死
勵衆百計守禦遣人突圍密約樂亭死守以通京
師山海之路滅白蓮教數千人於雲峰寺以功加
按察司僉事

國朝

順治

劉應錫遼東開元衛人由生員三年任當

定鼎之初人心惶怯公公廉慈惠加意拊綏人心始定
陞大名府知府去之日民送如市

康熙

寇新民字振之河南開封府西華縣人由拔貢七年
任公仁恕不苛敬士恤民持重而多惠政九年以
註誤去百姓懷之

王曰翼字健齋山西澤州陽城縣人由舉人清慎有
爲悉心撫字敬上愛下吏畏民懷甫下車禁除鋪
設以恤民艱其應用器具悉照時值市價自買何
有米羨陋規爲病民大害公張示永除以甦民累
時稱其廉學宮頽圯公捐俸修葺魁星樓及名宦

鄉賢兩祠百廢俱舉至治政曲體民隱剔奸釐弊
有強黠害民者必繩之以法民獲安堵聽訟則片
言剖決兩造俱服其公明課士莩業闔庠欽爲師
範時大旱步禱立應時服其誠能感格云攝撫篆
預爲張示禁除鋪設省民科派士民感戴之兩邑
之民仰若真父母洵有古循吏風

昌黎縣縣丞

明

永樂

李 泰河南鹿邑縣人進士謫任惠政及民民咸感
戴之尋復行取

萬曆

張 示江南揚州府泰州人由歲貢十一年任一清
如水空囊以歸至今人頌其廉介云

典史

國朝

康熙

逯思仁山東博平縣人由吏員九年十二月內任操持公慎佐理稱能士民稱之

教諭訓導

明

嘉靖

楊志湯陰人由歲貢十四年任誠心教士一時稱頌之

張錦山東兗州府人二十八年任嘉恕不形訓課無倦有胡安定遺風

景泰

閻禹錫河南洛陽縣人由舉人以訓導造士有法行

脩學博陞國子監丞尋遷北畿督學御史

國朝

康熙

李維揖定州人由歲貢六年十月內任持躬耿介課士精勤多士欽其模範

樂亭縣知縣古宦蹟

知縣

元

柴本立至元間任謙恭敏慎敬士愛民學宮頽圯捐俸脩葺成於不日時稱庶能

明

洪武

王文貴由人材舉卓異科三年任時當草昧公勵精為政六事脩舉凡學宮壇壝祠宇公署悉留心脩

補之歷大理寺少卿

成化

李

瀚沁水人由辛丑進士十八年任邑治舊惟土垣巡撫閻公檄令以磚甃之未果公下車即屬意脩築以竣厥工至今攸賴儒學舊在文廟後公令遷於廟左前後拓地數畝規模宏敞與廟相稱鑄造祭器儲育賢才一時人文丕振及隆慶中城經再脩其東北隅十餘丈堅固異常民不忍撤而止瞻者比甘棠焉擢御史歷戶部尚書贈太子少保

國朝康熙庚戌

督學蔣公超行本府遣本縣代祭其祠

正德

趙 寬垣曲人由舉人己巳年任醇厚宏博不事苛

察吏民畏戴以父母頌時嬖倖擅權有鷹房閹人繹騷地方人莫敢何公召而詰之閹倨侮無狀迺怒笞焉坐是被逮下獄訊之者得情擬贖還職大冢宰亟賢之未幾掛冠去迄今人稱賢之至

國朝康熙庚戌

學蔣公超行本府遣本縣代祭其祠

隆慶

本邦佐陳留人由進士隆慶元年任時值多事公爲脩繕城池高厚有加於昔增脩四門月城各置鐵棧棧櫓敵臺簡募丁壯製造火噐民恃無恐性疆直毫無阿徇至於剖決如流除奸若刈一方共戴爲神君云擢禮科給事中去後樂人合前令李瀚共祀之至

國朝康熙庚戌

督學蔣公超行本府遣本縣代祭其祠

萬曆

潘敦復夏津人由進士十八年任公爲政不事催科首崇撫字簡練鄉兵以備城守邑無專志公纂輯二百餘年故實遂成一代文獻歷陞大同府知府

崇禎

李鳳翥字瑞徵樂安人由舉人元年任才裕性果加惠斃氓人多蒙福值

皇清兵下永平公鼓舞士民多方悍禦援兵抵邑駐扎調

停應付有方俾兵民相安因忤當道排擠之士民
爭先保舉不得立石頌之入祀名宦士民至今德
之

陳昌言字道莊山西澤州人由進士六年任持身廉
介人比玉壺水壑公每坐堂皇端方嚴重肅若神
明一時士敦廉讓民崇信義且文學博洽長於著
作所著文集膾炙人口俸滿擢浙江道御史巡按

山東

皇清提督江南學政得士最甚子元侄敬俱內弘文院庶

吉士

國朝

順治

韓望字儼然陝西西安府涇陽縣人由進士九年
任吏治精警剔蠹祛奸一時萑苻不驚強暴斂跡
滿漢軍民兩相帖服嘗請設防兵安插得法擢戶
部福建司主事士民遮留悲號接踵相望自辰抵
暮不忍舍去

康熙

于成龍字振甲鑲紅旗人由蔭生康熙七年任品行
潔清才力英敏首嚴苛派不事敲朴歲饑請賑散
給有方民沾實惠

聖駕東幸脩理橋路備應供給自力承當不擾里下念恤
民艱供應往來差使皆出私囊民無加派之苦勸
民開墾邑無荒蕪之地嚴禁游賭以靖盜源繕脩
城垣以固城守革里催令民自封投櫃民無賠累
免供給日用悉出俸薪永著爲令署灤篆註誤免
官邑士民叩 闈保留十二年二月內復任重脩

聖宮以儲育人才再脩魁閣以鼓舞士習請退任
丘撥補地畝民無賠累詳除美化屯額糧以恤丁
絕禮士愛民和可致祥十六年丁巳樂邑境內麥
秀三岐五岐徧滿四郊士民編爲歌謠以稱頌之
十八年陞北通州知州

樂亭縣縣丞

明

嘉靖

任 建江南蕭縣人由歲貢丁未任事親至孝親終

廬墓及佐邑掾持清慎政專慈恕人以謂無媿孝

慈聖訓云

典史

賈 澄掖縣人由吏員戊申年任秉性介直志向高

明不以刀筆自期尤篤愛百姓令每屬以聽訟虛

心研審屈者愧服以憂歸囊橐蕭然後邑人李瑤
判平度過而訪之衙門棲遲畧無愠色冗末員中
范丹高順也

樂亭縣儒學教諭

明

嘉靖

王 棊湘城人由歲貢辛酉年任志行高明才學卓
越諸生貧者餽皆怯之脩祭器植松柏時以敏政
君子稱之

隆慶

劉邦彥龍陽人由舉人戊辰年任公學問宏邃凡威
儀詞章卓有矩度以行誼作人以經術迪士一時

學者翕然嚮風陞高邑知縣歷大理寺寺正

萬曆

楊芳山東益都人由歲貢己卯年任公年已耆人謂志在溫飽往例新生進費先定甲乙衆以請公笑曰子視我爲市肆賈人耶諸生大喜費見多不成饗公畧無芥蒂意其高邁若此居常待生徒曲盡恩禮有過必正色戒諭不少阿徇諸生皆樂親就焉

訓導

明

正德

邵鑑洛陽人由歲貢丁卯年任平易篤實善篤課業訓迪有方士風丕變祀名宦

賈奎蔚州人由歲貢庚午年任性行剛方持守廉潔造士勤敏綽有矩度嘗條陳八事以獻爲上官所止志大有爲一時稱之歿於官士類悼焉從祀名宦

嘉靖

崔佩沁州人由歲貢己未年任立志端肅待士寬恕饋贄厚薄槩置弗較以廉靜著聞弟子員咸樂爲親就焉

武功

元

皇慶

懷閭公皇慶初爲瑞州達魯花赤時海濱縣宣聖廟燬於兵燹前政數十輩咸置弗理公至邑人請之遂慨然興復不十旬成其崇儒慕義類如此

明

洪武

徐達鳳陽人洪武十四年帝以燕民新附又地隣

大海命公鎮之乃依山阻海創立關城復脩築邊
牆阻塞隘口聯絡周密規度宏遠累官太傅中書
右丞相進爵魏國公卒追贈中山王謚武寧景泰
間山海士民感念功德不置請於朝得建專祠春
秋以時祭享云

隆慶

戚繼光登州衛人以勦平倭寇功隆慶初言官交請
召入京營練兵尋兼總理鎮守薊永山海等處巡
歷各邊相度平險建築敵臺千里森列大興軍民

不病皆公調度得宜所致也又嘗增餉廩制車戰
及火器兵械立傳烽制掣旗舉礮頃刻千里百廢
俱舉奔走諸將檄飛隨羽至太閔三十萬衆咸遵
紀律閱視大臣每以李郭稱之著有止止堂集紀
効新書練兵實錄至今三屯營立祠祀之

山海舊設衙門

督師

明

天啓

孫承宗號愷陽直隸高陽縣人萬曆甲辰進士廷試
第二爲人沉毅豁達天啓壬戌公以內閣督師關
內設三鎮置營房於城內外軍民異處各安其所
捐俸脩學廣科舉額以興人文施穀濟貧三載勞
悴告病回籍崇禎己巳特旨起公廷馬就關躬督
士民防守關城賴以保全當多事之際執掌軍務
安詳鎮定不動聲色有輪巾羽扇之風焉

山永巡撫

明

崇禎

楊嗣昌字文弱湖廣武陵人由庚戌進士山石道陞
山永巡撫公豁達沉毅聰穎絕倫每條對行間要
害頃刻千言皆中款繫凡閱武用人其將士勇怯
才貌一經其目終身不忘賞信罰必毫忽不爽以
鬼路狹窄卜學宮乾地捐俸脩建明倫堂三楹規
模壯麗自是關門科第較前頗盛云所著有中樞

奏議及鄉約化民書數萬言撫山永時令有司朔望講解以正風俗焉

馬成名江南溧陽人辛未進士由密雲道擢陞山永巡撫崇禎十五年任厚重端凝才優識練設備邊防簡練士馬人心愜服巖關中外倚爲屏翰未幾匝歲以事就逮時論惜之

山海城守章京

國朝

順治

祁富哈滿州人九年爲山海城守章京清慎有守約束士卒不許生事擾民關民德之

永鎮左營遊擊

湯自道號後菴灤州人由將材十五年任永鎮左營遊擊順治五年陞山西北樓口叅將五臺巨寇劉千等作亂占據代州應州圍攻附近城壁屯堡公

詳請大兵援勦及領宣府陽和偏關固關八路官
兵協力討平盡復被陷州郡大同軍門佟公
奇其功題授副將順治六年姜瓖叛公鼓舞軍民
固守北樓一帶疏通征進要路 端重王俱嘉其
忠誠並其子原任都司湯文福各賜以貂裘蟒袍
帽靴及馬折銀五十兩議陞未幾乃卒北樓軍民
得免叛逆之誤至今頌其德云

武學科正

明

武秩

永平自庚午不守設有城守三營分中左右軍專設
副將壹員遊擊貳員統領之繼因多事間或防守各
邊及徵調應援去留不常

國朝新制止設副將壹員守備貳員定爲駐防城守營兼
管山石燕建等處及海防各營路焉

協守山永副將

國朝

順治

張思盛號至隆遼陽人十三年任公威勇而多智料
永平爲東西兩京要衝行旅絡繹盜有冒幹辦使
臣公行劫掠者地方苦之公履任初遇有劫盜恐
遊兵莫敵每躬領健丁窮追不令兔脫務期必獲
於是劫盜者斂跡又嚴禁各弁尅扣兵餉軍士得
沾實惠一時軍容嚴肅器械鮮明赤丁有生事者
必執法不護終其任兵民相安奉文調防浙溫等
處勦寇有功奉

旨加級

李廷楠字若梓陝西西安府人由功廕順治拾陸年
陸月內任伍年戊子自一片石備禦陞山東沂州
鎮遊擊分守台庄防護漕運征剿各寨叛寇所向
克敵取勝陞大同鎮叅將時東粵負固朝議遣兵
以公鎮守山東勇戰識名部議調取隨從下廣公
統領所部秦晉之衆分路進取首克凌江一帶悉
通進兵要路直抵信安論平定功即授廣東肇慶
府副將時封川開建諸處尚多未靖公奉將軍令
代宣恩信不旬日傳檄悉定拾陸年己亥加左都

督陞永鎮協守副將向者邊道銜代監軍前任協
鎮每以登降小節各不相下以致構隙生嫌公履
任初惟以封疆爲重凡會道必易肩輿以騎乘一
遵儀注接見務期文武和睦其公慎如此至兵餉
念係三軍命脉嚴借支以清剋扣之源待寮屬俱
溫溫恭人有推解之風禁饋送練士馬製旗幟以
新行伍勤考射以練技勇雖幼歷疆場未工交墨
禮士尊賢勤學好問指頤間饒有文士之風陞
協守江北壽春營副總兵

康熙

張應標號正吾陝西崇信縣人由特舉將材康熙七

年任三年甲辰奉四川總督檄領所部兵與四川

提督鄭合兵進剿陳家坡巨寇劉二虎一戰奪賊

老木吼窩巢劉二虎失勢雉經餘黨悉平又楚有

大逆李來亨者久據茅麓山寨聲勢洶湧爲湖湘

大害復與統領八營梁家琦合兵會剿值茅麓深

險難與較力公與梁總統分兵扼險掘壕築堤割

汛分守時來亨突衝公汛夜遁公連宵截殺賊衆

敗績自殺兵部彙叙剿蕩功加陞都督僉事六年
丁未推陞山永鎮協守副將公膽畧過人智勇素
著歷事精詳持躬敬慎凡所屬自都閫以至百夫
長下及部伍之微俱推誠以待和而有體稍無町
畦嚴厲之色凡境內間有不逞飄忽之輩聞烽即
單騎叱馭迅飛奮擊明賞罰勤操練嚴飭官兵咸
守紀律時稱其鎮重不浮有古良將風

崇禎

唐之靖

浙江紹興府山陰縣人由舉人元年

任三年庚午值

亦清兵下永平公先令闔家俱焚因謂左右曰吾死之後
亦焚吾屍遂西向再拜自縊而亡從容就義論者
惜之事定入武廟忠烈祠崇祀

永平道標下中軍都司

明

崇禎

程應琦山陰縣人由將材元年任崇禎沉毅英發有應變

才崇禎三年永城不守公挺戈巷戰事不濟拔所

佩劔自刎不死令家丁斷頭衆皆不忍涕泣勸慰

公豎髮裂眦復起自殺事平立坊表之祀表忠祠

城守中軍

崇禎 城守中軍

房應祥號泰寰永平人元年任時永平多事城守單

弱兵備張公春會撫按彙題為城守中軍專司團

練鄉勇崇禎三年揚武營兵守陴縱火陷城公分

守東面率所部堵陴血戰冒矢石死事定贈驍勇

將軍立坊表之仍從祀武廟表忠祠子三長星華

戊子貢士歷福建漳州府知府次星耀不慕仕進

多俠氣人雅重之季星煥歷山東武德道副使有

政聲卒於官人以為公忠烈之報云

永平衛守備

明

成化

羅綱永平衛指揮成化間代胡瀚守備永平剛毅
有爲兼通文事有聲於時

嘉靖

祝福山海衛指揮嘉靖中任永平衛守備清操如
玉紳士多敬重焉

崇禎

陳靖華字養素東勝衛指揮元年任永平衛事明決有爲安靜不擾百姓愛戴之

國朝

順治

高君錫字康侯大興人由進士十年任舊制永盧東興四衛各有專司新令歸併永平一衛兼攝料理房地又經撥補規畫紛紜公能調度有方四衛僱服編審時設立衛城隍廟開筆明心以示公與民相約期如原額不事苛求百姓稱便一時懷之

山海衛守備

明

正統

王 整羽林前衛人十年任沉毅有謀長於幹濟山海設守臣自此始前此治尚草創規制未備公至次第興舉凡學廟樓櫓及廨舍之屬多所增建且撫士馭下寬而有體任十五年軍民畏而愛之

天順

劉 剛山海衛指揮僉事天順間視衛篆以賢能稱

衛司供帳郵傳公先期宿購器用食物一遇臺使至輒出以應之不歛諸下創建文廟東西廡暨學舍諸生違教者輒廷責之罔敢不服其公嚴綜密類此

谷 登永平衛指揮使天順間領勅守備山海驍勇善射其作為皆出人右一時倚重之

弘治

申 寧沂州衛人守備山海安靜不擾地方德之陞山東都司以廉勤勒石於石門路之彰善碑

國朝

順治

郭之俊宣鎮人由武進士七年任爲人慷慨任事清正不苟至愛民如子料理公事如其家事時撫寧衛初併山海公視之如一下民戴之陞任後民遮送不忍舍去數年後解任偶至關門紳衿餽候商民趨謁依依如初至云

康熙

王御春陝西人由武進士 順治十六年任誠愨有

實政征緝不苛康熙五年陞山西陽河堡都司

陳廷謨京衛人由戊戌科武進士六年四月內任歷
事詳慎御下冲和明恕不繁百姓愛戴修山海關
誌及勸募重修望海樓

